

Til formannskapet i Masfjorden kommune

Stordalen skisenter i Stordalen i Masfjorden er eit skisenter eigd av Masfjorden kommune og IL Bjørn West. Drift av anlegget står ei vald gruppe frå idrettslaget for. Dei skal drifta, vedlikehalda og ha det økonomiske ansvaret for anlegget.

Skisentergruppa har ein dagleg leiar og 4 medlemmer. Forutan dei har anlegget ein driftsleiar og 4 personar som deler på preparering av bakken. Same personar har også ansvar for service på trakkemaskiner og anna utstyr. Det vert med andre ord lagt ned eit stort antal dugnadstimar gjennom sesongen.

Sidan starten i 2007 har anlegget vorte svært populært spesielt for Stordalsområdet og alle hytteeigarane. Frivillige vakter er stort sett hyttefolk og nokre eldsjeler i lokalmiljøet.

No har me som dei fleste kjenner til lagt bak oss 2 dårlege sesongar. Likevel har me tru på ein ny og snørrik vinter utan Korona og dei restriksjonar det medførte. Me rettar ryggen og er så smått byrja tenkja på korleis og når me skal få koma i gang. Men før den tid har me nokre utfordringar- økonomi. Kontoen vår tilseier ikkje at me klarar betala avdrag på lån av maskiner, straum- og forsikringsutgifter ut dette året. Her treng me snarleg hjelp !

Trass dette satsar me på å sjå framover. Etter møtet i Stordalen skisenter AS i juni 2020 planlegg me nybygg. Saka har også vore opp i IL Bjørn West. Alle stader er det positive signal, men dette krev mykje arbeid og tid. Den gamle brakka «lever ikkje evig» og nye lokale må på plass. Ei arbeidsgruppe jobbar med søknad om bygg og vil truleg ha noko klart ila hausten 2020. Me meiner dette er viktig å få på plass av fleire årsaker :

- Stordalen er eit viktig utfartsområde for kommunen og nærliggjande område
- Stordalen er eit av områda i Masfjorden med mest utbygging
- Stordalen er viktig for å få folk til kommunen og(hytteigarar reklamerer med at dei har «skitrekk på hytta»)
- Det er viktig å leggja til rette for ulike aktivitetar i området

Me har også starta diskusjonen korleis driva og drifta anlegget framover. Slik det er no er det same personar som «går att» og nokre har faktisk vore med heilt frå starten . Det kan tæra på men vert fort også ein form for livsstil. No etter to dårlege sesongar trengs det meir motivasjon for å driva arbeidet vidare. Likevel er det gleda ved å få dette til, sjå glade menneske i bakken, heilagjengen med kaffikoppen og alle som ønskjer å hjelpa til som får oss til å halda fram. Kunne me no fått positiv omtale og økonomisk støtte frå kommunen til å få dette til å gå rundt ,trur eg det ville vore eit stort pluss for heile Masfjorden kommune.

Vennleg helsing

Liv Øydis Trædal
-dagleg leiar-

Vedlegg: årsmelding for sesongen 2019